



**Quæstionum Canonicarum, In Quinque Libros  
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur  
De Judiciis, Foro Competenti, Libelli Oblatione, Mutuis petitionibus, ...

**Krimer, Ferdinand**

**Augustæ Vindelicorum, 1708**

Articulus I. Qua ratione spoliatus restituendus sit?

---

[urn:nbn:de:hbz:466:1-73001](#)

causam *unā sententiā* debere terminari; intelligitur enim *unā continuā*, nimirum durante eodem judicio, in eodem scripto, &c. sic tamen, ut textus expressè tradit, ut *prius* legatur sententia super possessorio; & in continentि post hanc de petitorio. V. textus in n. 1170.

**1177.** Dubitari tamen potest, quid pronuntiatio super possessione proſit, si statim sequatur sententia super proprietate? ut, si spoliato adjudicetur possessio, à qua dejectus fuit; Reo autem proprietas? Resp. si pro Actor pronuntietur in possessorio, non obſtante, quod pro Reo pronuntietur in petitorio, & conſequenter amittat possessionem Actor, nihilominus Actor prodeſſe ſententiam in possessorio latam, videlicet ad recipiendos fructus rei poffeffæ, à spoliatore pendente lite spoliationis perceptos; hi enim debentur poffessori spoliato, quam diu permanſit poffessor bona fidei, ut conſtat ex dict. à n. 1054. non tantum ante litem confeſtam, ſed etiam poſt, uſquè dum res evicta ſit; ut diximus loco cit.

**1178.** Not. 4. quando ſuperius n. 1171. diximus, ab eodem non poſſe cumulari in eodem judicio *retinenda* poffessorium, & petitorium, quod ſic agens eſſet ſibi contrarius (nam qui agit interdicto *uti poſſedit* dicit ſe poſſidere, & ſolū petit Ad-

versario interdicti, ne in ſua poſſeſſione ab ipſo inquietetur; qui verò agit rei vindicatione, ſeu petitorio, dicit Adversarium, non autem ſe poſſidere) debere intelligi ſubseqꝝ. limitationibus. 1. ut non procedat in caſu, quo putans Adversarium poſſidere, ignoravit, ſe poſſidere, ut ſi aliud ipſius loco, ipſo ignorantie, rei poſſeſſionem accepit; nam tali caſu, intentando petitorium, non censetur voluisse renuntiare poffessorio.

Secundò, ſi agens petitorio, & poſſeſſorio retinendæ poſſeſſionis civilis amittit poſſeſſionem ſolū naturalem, nam ea petitione non contrariatur alteri, qua petit non turbari in poſſeſſione civili, quam habet; nec negat ſe poſſidere *civiliter*; ſed iantum *naturaliter*. Tertiò, ſi quis conſtitutus in quaſi poſſeſſione alicujus juris, v. g. *eligendi*, & in hoc ab altero moleſtatus, judicio petitorio ſimul agat, ut vel ius ſuum ſibi conſirmetur; vel nullum Turbatori competere declaretur, conſequenter ab ejus impetione deinceps removeatur; in hoc enim caſu judicio poſſeſſorio *retinendæ* conjungitur petitorium juris ſibi conſirmandi, vel actione negotiorum alteri non competere declarandi,

de quo eſt caſus in c. Super 4.

*b. i. &c.*

\* \* \*

## QVÆSTIO XIII.

### IN TIT. XIII. DE RESTITUTIONE SPOLIATORUM.

**1180.** Postquam præcedente titulo actum est de remedii poſſeſſoriis, potiſſima parte ſolū in genere, hoc titulo ſpecialiter agitur de poſſeſſione recuperanda, quando quis per vim ab ea dejectus, & spoliatus eſt; quaꝝ materia propriè ſpectat ad interdictum *unde vi*, poſſeſſionis recuperandæ. Quoniam verò quid propriè ſit hoc interdictum? cui competit? & contra quem concedatur? jam exposuimus à n. 1130. de illis ſolū hic ageamus, quaꝝ hujus loci peculiaria. De illo quoquā ſuri remedio, quo ſuccurritur spoliatis, ex c. Redintegranda, & ex c. Sepe,

quod eſt contra ſingularem ſuccelforem Spoliatoris; egimus in præcedentibus à n. 1148. & 1151. his præmifis:

### ARTICULUS I.

*Qua ratione spoliatus restituendus ſit?*

**A** Nte resolutionem notandum; non tantum tunc agi poſſe interdicto *unde vi*, quando quis abſolute spoliatus eſt poſſeſſione, ſed etiam, quando impedi-  
tur,

etur, ne liberè possideat, ut habetur in c. Pisaniis 19. h. t. ubi Pisani, qui Lucanis eripuerunt quædam castra, ex quibus Episcopus Lucanus censum annum percipiebat, jubentur restituere illa castra, licet Pisani Episcopum dictis censibus non spoliarint; causam reddit Pontifex: quia illis, nempè Pisani, detinentibus castra & munitiones castrorum, in quibus dictas pensiones recipis, & affectus, ea plenè, ac liberè habere non posse, sicut habebas, quando ipsi castra eadem minime detinebant, eo quod quādiū ea detinent, in eorum potestate relinquuntur, te non admittere, vel repellere, quando velint.

1182. Ex hac decisione sequitur, etiam tertio licere agere interdicto unde vi contra spoliatorem Titii v. g. licet ille nullius rei spoliationem passus sit, si ex spoliatione facta Titio, illi tertio impediatur libertas; seu liber usus juris, quod habebat in re Titio per spolium ablata, ut, si tertius in aliquo castro Titii habuit constitutum sibi censum, quem, postquam Titius eo castro spoliatus est, non quidem negat spoliator; non tamen tam liberè, ac ante, dum res esset apud Titium, obtinere potest; sic enim illius tertii etiam interest, Titium spoliatum esse; cum ex hoc ipsius Tertii conditio durior effecta sit; non enim licet tibi aliquid facere eā magis intentione, ut alteri obsis, quām ut tibi pro sis; veruntamen ut vetera castella restaurentur, & in pristinum, quem habebant olim statum reducantur, facilius conceditur; arg. c. consoluit. 7. de Judæis, quia aliud est, servare, quod factum est; aliud de novo facere, lectundū gloss. ibid. V. exalent.

1183. Ex eadem decisione habetur, delegatum, cui causa restitutionis integrè facienda in materia spoliationis commissa est, nec debere, nec posse relaxare penam spoliatoris, antequam spoliatus integrè sit restitutus, nimirum, antequam res, & omnia sint iterum in eo statu, in quo erant ante spoliationem; & ideo sententia delegati per Pontificem irrita fuit declarata, quia Pisani absolvit, antequam castra essent deposita in eum statum, in quo Episcopus æquè liberè, ac ante, dum essent penes Lucanos, censum annum recipie-

bat; quia nondum erant Lucanis reddita, sed tehebantur à Pisani, quantumvis Episcopo non negantibus ex iisdem censum; sed cum periculo, ne aliquando Episcopum rejicerent; id, quod non erat, dum essent apud Lucanos; his positis:

## Q. I.

Quam vim habeat petitio restitutionis contra Spoliatorem?

**R** Esp. hanc petitionem, ubi spoliatio vel notoria est, vel legitimè probata, esse sic privilegiata, ut, antequam Actor restitutus sit, Spoliator non audiatur, nec Actor ei ad illa, quæ opponit, teneatur quicquam respondere; consequenter spoliatum tali casu ante omnia esse restitendum, exceptis tamen certis casibus, de quibus dicemus à n. 1188. probatur responsio data. 1. ex c. fin. de ord. cognit. ibi: super spoliationē convenitus adversus restitutionem petentiem non est (nisi super questione spoliationis si eum reconveniat) audiendus. Cum restitutionis petitio in hoc privilegiata noscatur, ut ipsam intentans non cogatur, ante restitutionem, spoliatoribus respondere. Quanquam ab agendo (spoliationē ab eis in modum exceptionis propositā) repellatur. Deinde ex c. Licei, i. h. t. ubi, cum apud Gregorium IX. Philasius Cæcilius conquestus esset, campum suum ab Officialibus, seu famulis Ecclesiæ irrationabiliter occupatum esse, Pontifex Episcopo Constantiensi rescripsit: si ita est, quanquam ante omnem contentionem possessio, ei debuerat violenter ablata, restitu: tamen quia Eventus Diaconus ipsius Ecclesiæ, consentiente illo, constituit, se legitimè probaturum dictum campum ejusdem Ecclesiæ juris esse, inquire veritatem: & si hoc probatum fuerit, huic dicendum est, ut à sua intentione discedat: alioquin res ei ablata redatur. Idem diecit L. unica C. si de momentanea possessione fuerit appellatum, ibi: cum de possessione, & ejus momento causa dicitur: et si appellatio interposita fuerit, tamen lata sententia sortitur effatum; ita tamen possessionis reformatio-

003 nem

nem fieri oportet, ut *integra omnis proprietatis causa servetur.*

1185.

Ex his juribus deducitur i. petitionem agentis possessorio *unde vi*, esse *privilegiatam*, ut exposuimus *num. preced.* consequenter, ante restitutionem à spoliatore factam, et si opponat proprietatem, vel quamvis aliam exceptionem (exceptis, ut dixi, certis casibus) nec spoliatorem esse audiendum; nec Actorem illi quicquam respondere cogendum, nisi prius restitutus sit; quo sit, spoliatori condemnato ad restitutionem, nec *appellationem* esse concedendam; nec admittendum etiam solum per interlocutoriam, ad probationes contra petitionem Actoris proferendas; secus facta restitutione. Inutiliter enim adduceret suas oppositiones; ex his enim quid concludet *Judex*, si Actor non respondeat? nec enim legali suo privilegio, quo eximitur ab onere respondendi, a *Judice* privari potest, ante factam restitutionem, saltem momentaneam.

1186.

Dixi, agentis possessorio *unde vi*; nam agenti possessorio *adipiscenda*, vel *retinenda* (ubi Reus opponit proprietatem, in continentia probandam) hoc *privilegium concessum non est*; ex illa vero *L. unica*, specialiter habetur, per *appellationem* in possessorio condemnati (si concederetur) non suspendi executionem sententiae, à qua fuit appellatum, esto talis *appellatio* concedi non debeat, etiam tunc, quando Reus in possessorio *adipiscenda* condemnatus est; cùm, si velit agere *petitorio* contra Victorem in eo possessorio, id ei *integrum maneat*; ac *executio sententiae* condemnatoria porrigatur ad possessionem solum momentaneam, si condemnatus vincat in *petitorio*.

1187.

Quæ ad usquæ dicta sunt, confirmari possunt ex c. *In literis 5. h. t.* nam, cùm Episcopus Brixiensis quæsivisset ab *Alexandro III.* de qua quæstione agi debeat, quando quis dicit, se de possessione violenter ejectum: & *Adversarius* dicit, eum non fuisse *Canonice institutum*? respondit Pontifex: prius de violenta *ejectione*, quæ de canonica institutione agi debere; quia *Prædo etiam est secundum rigorem juris restituendus*. Nam ex hac resolutione sequitur, beneficii spoliationem propONENTI, & ejus *restitutionem* petenti, non nocere, licet ei opponatur defectus cano-

nicæ institutionis; cùm quæstio spoliationis præcedere debeat quæstionem proprietatis, exceptis certis casibus, de quibus à n. 1188. quod maximè confirmatur ex illis verbis: quia *prædo etiam secundum juris rigorem est restituendus*, de quo casu agimus superius. Nec obstat, causam possessionis, & proprietatis simul debere terminari; nam qualiter hoc intelligendum veniat? diximus à numer.

1176.

## §. II.

*In quibus casibus spoliatus non restituatur?*

PRExcedente §. diximus, agentem possessorio *unde vi*, contra spoliatorem, habere petitionem *privilegiatam* à lege, vi cuius, antequam à spoliatore restitutus sit, nec audiendum sit spoliator, licet contra petitionem Actoris, seu spoliati aliquid opponat; nec spoliatus cogendus ei respondere in petitorio, nisi in certis casibus exceptis. Inter istos est. i. si quis Conjugum alterum vindicet in maritum in judicio; nam si tali casu Reus opponat exceptionem consanguinitatis, prius de hac exceptione audiri debet Reus, quædam fiat restitutio, ut habetur c. i. de ordine cognit. de quo jam egimus à n. 875.

Alter est, si agenti possessorio *unde vi*, à Reo per exceptionem opponatur proprietas, seu Dominium; & Actor consentiat, ut ante restitutionem cognoscatur de exceptione Rei, & hic ad ejus probationem admittatur, etiam ante factam restitutionem; ut habetur c. *Licet 1. h. t.* de quo actum est supra, n. 1184. Tertius casus est, quando ex ipsis actis notorium est, spoliato nullum jus competere; sed spoliatori, tunc enim restituendus non est, nec *privilegiatam* habet petitionem, quod tamen intellige, *saltem de jure canonico*, si etiam jus spoliatoris notorium sit; non autem secus; cùm etiam *Prædo restituendus sit per c. in literis*, de quo numer.

1187.

Quartus casus est, si ex *restitutione* verratur periculum animæ; tunc enim fieri

hieri non debet, antequam cognoscatur de oppositione contraria, ut habetur c. Literis. 13. b. t. ubi, cum Pontifici proposita fuisset haec quæstio, an Viro petenti restitutionem Uxorū, quæ ab eo sua quidem temeritate, divertit, sed exceptionem consanguinitatis objectit in gradu, in quo Sedes Apostolica dispensare non potest, vel non consuevit, & paratas obtulit probationes, restitutio concedenda sit, antequam

**Rea in judicio audiatur?** ad hanc quæstionem Innocentius III. ita respondit: *tirca solutionem propositæ questionis diversas esse sententias diverorum;* & postea relatis istorum opinionibus (nullam tamē improbans) resolvit, *ubi periculum est securi peccati, restitutio faceta quoad thorum, non faciendam quoad thorum;* faciendam ramen in ceteris, v. g. quoad cohabitationem; & recepto juramento malitia super impedimento dirimente, quod opponitur, cognoscendum, prout fuisus de hoc agemus in seqq.

1191.

Quintus est, si facta restitutio spoliationis (est spoliator legitimè probaret eam sibi debitam) sequeretur irreparabile damnum, vel magna perturbatio in populo, publicum scandalum, &c. Rationem dat Pirhing h. 1. n. 28. quia in his, & similibus casibus, posito, quod spoliator probet, sibi Dominium rei competere, modicum præjudicium spoliato infertur, dum ei possessio momentanea aufertur, seu, quamdiu retinere non posset; siquidem mox in judicio petitorio succumbet, eamquæ iterum amittet. Hæc ratio rectè procedit, ubi spoliatus non est etiam benefundatus in petitorio; hinc, ubi de proprietate Actori competente constaret, & is solùm ageret ad restitutionem possessionis, qua vi dejectus est, non videtur locus huic exceptioni, nisi mala, quæ facta restitutio præstandæ sententiæ sequentur, talia sint, quæ intuitu boni communis meritò præferri debeant privato commendo spoliati.

1192.

Sextus est, si quis, postquam rem in dubitate, ac notoriè suam autoritate propriè occupavit ex eo capite, quod illa vià juris obtainere non valuerit, vel ob potentiam Adversarii nullum Judicem, seu Superiorum recognoscens, aut admittentis, vel ob defectum Judicis aut nolentis, aut

non valentis ei justitiam administrare. Nam licet alias nemo, in causa propria, jus sibi dicere possit, etiam in defectu Iudicis, ordine judicario prætermisso; hoc tamen non procedit in isto casu, cum hic cœllet ratio hujus prohibitionis; ordo enim juris servari non potest, ut ponit casus; & daminum, quod subiret, restitutio fieret irreparabile; sic D. Thomas 2. 2. q. 66. a. 3. ad 3.

Septimus est, si agenti possessorio unde 1193. vi Reus vicissim opponat spoliationem ab ipso commissam, ut dicitur c. cum dilectus 2. & c. Super spoliatione 4. de ordine cognitione. de quibus jam egimus à n. 884. & 893. Octavus est, si spoliatus impedimento canonico, vel pacto de non petenda restitutio, vel facta transactione, vel spontanea cessione impediatur. Alii casus excepti poterunt colligi ex dicendis ita seqq.

## §. III.

An, & qualiter petitio restitutionis privilegiata sit in causis spiritualibus?

**P**rima quæstio est de causis beneficiali 1194. bus; an spoliatus agens ad restituendam, ante omnia restituendus sit, juxta dicta à n. 184. pro quo non aliud esse, quod quis sine canonica institutione beneficium obtineat quoad proprietatem; aliud, quoad possessionem; primum omnino verum est; at secundum negatur. Hinc enim est, quod quis beneficium bona fide pacifice possidens per triennium, sine alio titulo, viâ præscriptionis illud acquirat, ut tradit Sanchez l. 7. in decal. c. 29. à n. 89. Lessius L. 2. de just. c. 6. n. 35. & alii, quo posito:

Resp. agentem, in causa beneficiali possessorio unde vi, ante omnia restituendum esse, non obstante, quod illi proprietatem, vel defectum canonice institutionis Retis opponat, prout deducitur ex c. in literis 5. b. t. de quo V. dicta n. 187. hoc tamen limitant aliqui, ut non procedat, quando notoriè constaret de defectu proprietatis; sic Menoch, remed. t. recuperand. n. 233. Masicard.

*Mascard. de probat. conclus. 326.* unde etiam juxta Manticam decis. 356. num. 8. apud Barbos. in dictum c. 5. n. 4. spoliatus in beneficialibus non potest restituui, si apparet de notorio non jure agentis *spolio*; & (juxta Pirhing h. t. n. 41.) si contra eum magna sit presumptio, quod sine titulo, aut cum vitioso titulo Ecclesiasticum beneficium obtinuerit, priusquam titulum institutionis sux justificet. Sed hoc videtur contrarium decisioni in c. literis, relato n. 1187. ubi non obstante objectione, de defectu canonicae institutionis, de possessione beneficii ejectus, restituendus est; accedit, etiam *Prædonis* petitio nem in possessorio undi vi juxta opinionem juri conformiorem esse privilegiam, ut ostendimus à n. 1137.

**n. 1196.** Dices: c. in literis 5. h. t. non dicitur *restituendus*, qui agit ad restitutionem beneficii, à quo ejectus est; sed solum, *prius de violentia ejctione, quam de canonica institutione* (Actori objecto ejus defectu) agi debere; ex his enim verbis solum sequitur, cognitionem possessionis priorem esse cognitionem proprietatis; sed in executione prævalere proprietatem; ergo eti si prius agi debeat de violentia ejctione, quam defectu canonicae institutionis, vel proprietatis; non debet tamen prius fieri restitutio, saltem vi dicti c. in literis. Resp. ex arguimento, quo à fortiori in dict. c. procedit Pontifex, satis colligi, quod non velit solum, *prius cognosci de violentia ejctione*; sed etiam executionem in restitutione; rationem reddit Pontifex ibidem: quia *Prædo etiam est secundum rigorem juris restituendus*; ergo à fortiori de beneficio violentè dejectus, licet ei opponatur defectus canonicae institutionis. Per hoc tamen (facienda videlicet momentanea restitutionis) non negatur restitutum statim conveniri posse super defectu canonicae institutionis, vel nullitate, aut vitio tituli; & convictum justè ex ui etiam possessione beneficii; nec enim plus exigunt rationes in contrarium. Nec obstat, quod, cum causa possessionis, & proprietatis in eodem judicio cumulantur, proprietas in executione prævaleat possessioni, ut diximus n. 1170. nam hoc non habet locum in casu, quo agitur possessorio unde vi, seu recuperanda; sed tantum adipiscenda, si possit in continentia

probari proprietas, prout expōsuimus n. 1175.

Dices 2. licet Canonici S. Nicolai egrent ad restitutionem decimarum, quibus spoliati sunt à Parocho, in cuius Parochia illas possederant; non tamen erant prius restituti, quam evidenter docuerint, se possessionem juris decimarum legitimè assūtos esse; ratio redditur propter præsumptionem, quod jus earum non justè acquisiverint, cum proveniant ex prediis intra alienam Parochiam sitis; & manifestum sit eas de jure ad Ecclesiam Parochalem, intra cuius fines prædia sunt, pertinere, ut habetur in c. Ad decimas 2. h. t. in 6. ergo ubi contra agentem possessorio unde vi est magna præsumptio, iustè, vel non legitimè acquisitæ possessionis, non est restituendus. Resp. ex dicto c. solum deduci, tunc non fieri restitutionem, quando Actori opponitur defectus possessionis non legitimè acquisitæ, non ex qualicunque præsumptione iustæ, seu non legitimæ acquisitionis; sed ex præsumptione juris resistentis *spoliato*, & assistentis *spoliatori*; prout in casu præsenti nam jus decimarum ex illis prædiis stabat hic pro Parocho, in cuius Parochia illa erant sita, consequenter contra illos, qui hoc jus prætendebant in aliena Parochia; prius igitur oportebat, hanc juris Actoribus resistentis præsumptionem elidere, quam restituerentur; quod non est in qua cunquè alia oppositione defectus alicujus, ut constat ex dicto c. in literis. 5. h. t. cum in dubio spoliatus melioris conditionis esse debeat in ordine ad possessionem recuperandam; sic Abbas in dict. c. 5. numer. 24.

Ex hac responsione sequitur, agentem possessorio ad restitutionem beneficii, quo Actor spoliatus est, à restitutione sibi decernenda non impediri qualicunque oppositione Adversarii v. g. de defectu proprietatis, seu canonicae institutionis; sed solum in casu, quo per objectionem impugnatur legitima acquisitionis possessionis, non ex qualicunque fundamento; sed ex præsumptione juris resistentis Actori, & assistentis *spoliatori*, ut ostensum est in præcedenti casu ex c. ad decimas 2. h. t. in 6. Neque huic illationi contrariatur c. Licit Episcopus 28. de præbend. in 6. ut volunt aliqui, dicentes, in illo decidi, eum, qui

qui post beneficium curatum recipit aliud consimile (consequenter incompatibile) & adeptâ hujus pacificâ possessione per Episcopum spoliatur primo, statim restituendum esse, etiam non probato titulo, vel dispensatione, tametsi in eo casu jus resistat spoliato, & assistat spolianti; non, inquam, contrariatur; quia in textu nihil horum dicitur; verba illius sunt: *beneficium, quod cum animarum cura tenebas* (postquam aliud recepisti consimile, ac ipsius possessionem pacificam habuisti, vel per te fecisti, quo minus haberet eandem) possit alteri de jure conferre: *illum tamen, cui contulerit, non debebit, te non vocato* (cum tibi forsitan jus possit competere retinendi) in possessionem ipsius inducere corporalem. Ex hoc enim liquet, in isto c. ad decimas, non agi de non restituendo, sed de non spoliando; in c. 2. autem agi de non restituendo; in quo nulla est contraria.

1199. Ceterum quæstio 2. est, an, si Episcopus nihilominus factio spoliaret in eo casu takem Clericum non auditum, & alterum in possessionem mitteret; spoliatus autem contra Episcopum spoliantem ageret (uti potest, arg. c. Conquerente 7. b. t.) interdicto nade vi, esset restituendus? videtur dicendum negativè; ex n. 1197. nisi prius justificaret titulum simultaneæ possessionis duorum beneficiorum incompatibilium; nam in hoc jus (reprobans retentionem duorum vel plurium beneficiorum incompatibilium) resisteret Actori, & assisteret Episcopo spolianti; ita sentire videtur Pithing. b. t. num. 45.

1200. Dicendum tamen oppositum, videlicet, si Episcopus takem Clericum nec auditum, nec vocatum possessione primi beneficii curati, tametsi jure vacantis per pacificam possessionem alterius similiter curati, spoliat, & alteri possessionem conferat, Clericum ante omnia restituendum; & tunc primum ab illo exigendam justificationem tituli suæ possessionis; nam licet spoliato resistat jus commune ad retinendum jure utrumquè, & assistat Episcopo in ordine ad hoc, ut illud conferre possit alteri; nihilominus quoad retinendam possessionem facti assit spoliato, ut non

Tom. II.

auditus, seu non servato juris ordine, spoliari non debeat, & in ordine ad hoc restitut spolianti; nec scilicet detur occasio illicitè spoliandi possessorem contra expressam constitutionem in dicto c. Licer; & ita tener Navartius, & alii apud Pithing. cit. §. *Alii vero*; nemini enim possessio sua auferenda est, & transferenda in alium, nisi ipso possessore prius vocato, & discusso jure ipsius possidentis: alioquin ante omnia restituendus erit, & spoliato adversus spoliantem competet interdictum, unde vi, arg. c. conquerente, 7. b. t. ubi injustè spoliatus à Judice restituitur per interdictum, unde vi, quod conceditur contra Judicem spoliantem, sicut contra quemcunq; priuatum.

Nec obstat 2. c. Constitutus. 8. de filiis Presbyt. ubi filius Presbyteri, à militi spoliatus Capellâ, in qua Pater ejus intitulatus immediate ante serviverat, non fuit restitutus ante omnia, sed prius cogebatur justificare titulum suæ institutionis; quia jus commune (ne filius etiam legitimus immediate in eodem beneficio succedat Patri) resistebat spoliato, licet non assisteret militi; non, inquam, obstat responsioni datae n. 1194. nimirum, etiam in causis beneficialibus, injustè spoliatum, esse ante omnia restituendum; hoc enim statuitur solum pro casu, quo spoliatus agit solo iudicio possessorio unde vi; talis porro non est casus c. 8. nam ibi filius Presbyteri non agebat solo possessorio; sed etiam petitorio, ultraquæ causâ in judicium deductâ; unde nimirum non est, quod prius, quam restitueretur, debuerit justificare titulum suæ institutionis, quâ institutus adipisciatur proprietatem, seu *jus in beneficio*, & eo justificato obtinet in petitorio.

Et quamvis verum sit, quod, ubi Clericus, absque cause cognitione, legitime removetur à beneficio (puta si manifestum sit, ipsum immediate in illo successisse Patri suo, qui immediate prius in eo intitulatus ministraverat, ut constat ex c. Quoniam 10. de filiis presbyt.) sic remotus non sit restituendus ante justificationem tituli suæ possessionis; salva tamen stat dicta responsio in n. 1194. nam

Pp ea so-

ea solum procedit in casu spoliationis, seu remotionis à beneficio, *non legitima*: at in casu c. 10. talis Clericus legitimè removetur jure communī hoc expressè statuente, ibi: *nolumus enim ut causa in iudicium deducatur, vel testes etiam admittantur, si hoc manifestum existat.*

1203.

Et ex hoc ulterius deducitur, agenti *unde vi*, non concedi restitutionem ante omnia, quando jus commune manifestè resistit possessioni, qua quis se vi dejectum conqueritur; sed prius justificandum esse ab illo titulum legitimè possessionis; quo fit Laicum petentem restitui in possessionem v. g. decimatum Clericalium, vel alterius juris spiritualis non restitui ante omnia, sed debere prius justificare titulum suæ possessionis; quia jus commune resistit Laicis quoad possessionem jurium spiritualium; in his enim probatio possessionis semper involvit titulum, nimirum concessionem à Prælato Ecclesiastico legitimè factam (cùm aliás sine hoc capaces jurium spiritualium non sint Laici) ergo sicut nemo spoliatus, non probata prius possessione, sic nec Laicus possessione juris spiritualis, non probato prius titulo, restituitur; nam iste, non probato titulo, non potest probare possessionem, cùm ei (seclusa Ecclesiæ concessione) resistat jus commune; c. *cattam. 7. de prescript.*

1204.

*An privilegiata petitioni restitutionis obstat renuntiatio spoliati?*

1204.

**I**N hac quæstione duo attendenda sunt; 1. primò, quo tempore facta sit renuntiatio? 2. an sponte, vel per vim, aut metum? quo posito duplex capitulum habetur in hoc titulo ad præsentem quæstionem; primum est c. *Solicite* 2. ubi Alexander III. ad Episcopum Vigoriensem scribens, solicite, inquit, cures perquirere, quo tempore H. renuntiavit Ecclesiæ: & *si tibi constiterit, eum spoliatum, cùm eidem Ecclesiæ renuntiavit:* contra eum testes alterius partis, de juramento, & renuntiacione sponte facta (antequam restitutus fuerit) non admittas: quia non est verisimile, quod

*sponte* juri suo renuntiaverit, qui renuntiat spoliatus. Sed testes ejusdem H. quibus intendit se probare, quod violenter prædicta Ecclesiæ fuerit spoliatus (dummodo idonei sint) recipere non postponas: alterum est c. *Accepta*, 3. ubi idem Pontifex, proposita quæstione cuiusdam Clerici (conquerentis se violenter Ecclesiæ spoliatum) delegatis Judicibus mandavit, ut, si hoc constaret, Ecclesiæ ei facerent restitui; sed cùm à Spoliatore opponeretur, id non debere proficere, eo quod sponte voluntate coram Eboracensi Archiepiscopo, Apostolicæ Sedis Legato, præscriptam Ecclesiæ abjurasset: mandavit, quatenus, si constiterit, quod præfatus Clericus non metu, vel vi coactus, sed sponte prælibatam Ecclesiæ taliter abjuraverit: ei super hoc perpetuum silentium imponant.

Pro resolut. notand. 1. quando quis actualiter renuntiat beneficio, abdicando statim à se possessionem, eum hoc ipso non amplius possidere (possessio enim recedit, ut quisque constituit *nolle possidere*) consequenter, post talē renuntiationem, vi dejecto, non competere interdictum *unde vi*; nam ex dict. n. habetur, ut quis ex interdicto recuperande agere possit, necesse est, quod tempore spoliationis possederit; quod in præsenti non contingit. Not. 2. renuntiationem beneficii posse fieri vel in manibus ejus, qui potest illam admittere; vel in manibus ejus, qui non potest eam legitimè admittere. Not. 3. renuntiationem beneficii post spoliationem factam in manibus legitimè admisoris, non præsumi factam non sponte, sed ob metum, ut constat ex textu c. *Solicite*, de quo n. 1204: quibus positis?

Resp. si quis post beneficii renuntiationem, etiam abdicat à se possessione, spoliatus est, seu vi ejectus, eum non posse agere ad restitutionem; ratio sumitur ex n. 1205. si autem spoliatione præcessit, & renuntiatio in manibus legitimè Superioris secuta est, spoliatum non restitui; quia tametsi c. *Solicite* dicat restituendum, qui post spoliationem renuntiavit, non intelligitur tamen, si renuntiatio secuta est in manu legitimè Superioris, quia

quia tali casu renuntiatio non præsumitur vi, vel metu facta ex præced. num. consequenter locus est c. *accepta* (de quo n. 1204.) ubi dicitur, quando spoliatus renuntiavit non coactus, sed sponte, non esse restituendum; sed ipsi perpetuum silentium imponendum; dixi, si renuntiatio facta est in manu legitimi Superioris; secus enim est, si in manu ejus, qui renuntiationem non potuit admittere; quia tunc ante omnia restituendus est. 1. ex c. *Solicite*; quia præsumitur renuntiatio coactus vi, vel metu; nec agenti interdicto unde vi obstat oppositionem talis renuntiationis metu extortæ, ut constat ex n. 1204.

1207. Not. autem, quando dicitur, eum, qui vel ante, vel post spoliationem renuntiavit beneficio, non restitui contra spoliatorem, debere intelligi, si coram legitimo Superiore cessit non tantum titulo, sed etiam possessioni; nam si post ejusmodi renuntiationem adhuc longo tempore retinuerit possessionem saltem facti, & ab ea vi dejectus foret, restituendus foret, ut recte nota Layman in c. *Accepta* 3. b. t. n. 1. quia tunc defectus tituli non foret notorius ita, ut prævaleret præsumptioni, quod debeat aliquid juris adhuc habere, non permittendus alias à Superiore in tanti temporis possessione.

Not. 2. resignantem beneficium, in manu non legitimi Superioris, non perdere absolute titulum, seu jus in beneficio; sed solum cum conditione, ac dependencia ab admissione renuntiationis à legitimo Superiore facta; nam secus renuntiatio est nulla, ut diximus l. 1. tit. 9. de Renuntiat. Not. 3. per hoc, quod quis etiam sponte renuntiet beneficio quoad titulum, seu proprietatem; non censeri etiam renuntiasse actioni spoliis, seu juri, contra non legitimum spoliatorem agendi ex interdicto unde vi ad possessionis restitutio- nem; cum jus proprietatis, & possessionis subjecto separari possint.

1208. Circa questionem initio propositam extat etiam aliis casus in c. *Audita* 4. b. t. Cum enim Henricus Clericus, Titium pariter Clericum, super Ecclesia Pelensi indebit molestatissim, Pontifex mandavit Delegatis, ut, si constaret, Henricum habere aliam Ecclesiam, vel Ecclesiæ Pelensi cum juramento renuntiassse, ac promisssse,

*Tom. II.*

se in posterum Titio super ea Ecclesia controversiam non motuim, ei silentium imponeretur; & cum de utroque Delegatis constitisset, Henrico prohibuerunt, ne Titium de cætero molestaret. Intervenit Henricus, per Nuntium suum propoenens, se ipsum Ecclesiæ Pelensi per violentiam spoliatum esse, alias literas impetravit, quibus cavebatur, ne procedatur secundum priores literas à Titio impetratas; sed probata violentia, quod justum est, decernerent, non obstantibus prioribus literis, ex parte Titii imperatratis: immo, si quidpiam ex eo tempore, quo Nuntius Romanum versus iter artipuit, circa causæ statum immutatum fuit, id non obstantibus primis literis rescindane.

Verum, cum hæ secundæ literæ advenirent, Judices securi priorum literarum formam, utrumquè cognoverunt, & quod Henricus personatum alterum possideret, & quod Ecclesiæ juratus renuntiasset, ideoquæ ei prohibuere, ne deinceps molestiam inferret: cum hoc Pontifex intellexisset, tertio rescribens declaravit, quod non ita intellexerit, neque intelligi debuerit, quasi rescindi oportet, quæ auctoritate primi rescripti legitimè acta essent; sed, si quæ per præsumptionem, aut violentiam, quarè mandavit, ut si sententia ab illis lata sit, priusquam alterum rescriptum acceperunt, eam firmam manere, & si contra eam quidpiam statutum sit, id sublata appellatione revocari debeat; sin autem post alteras literas papales, sententia ab ipsis lata fuerit, eā non obstante, secundum tenorem ejusdem secundi rescripti appellatione remotâ procedant.

Ex hoc textu apparet 1. contra molestantem, in causa beneficiali, agi posse interdicto uti possidetis, & Actorem, probata possessione, atque injusta turbatione, adversus molestantem, ante omnia restitui, sic, ut non modò illi confirmetur possessio; sed etiam alter jubeatur desistere à molestando illum in ejusmodi possessione, quod tamen intellige de turbatione extrajudiciali; non judicialis, quæ fit, si unus alteri item moveat coram Judice super aliquo jure. Ex hac autem distinctione notandum venit; cum possessor beneficii apud Papam conqueritur, quod ab Adversario injustè molestetur, & petit, possessionem sibi quietam effici, atque declarari, adver-

1209.

Pp 2

fatio

sario nullum jus competere, opus esse, quod exponatur, molestationem esse *extra judicialis*; nam *judicialis* licita est.

**1210.** Secundò, tametsi petitio restitutionis propter spoliationem *privilegiata* sit, ut diximus n. 1184, ex c. fin. de ord. cognit. consequenter ante omnia restituendus sit spoliatus: hoc tamen limitari, ut non procedat, si spoliator *Actori*, seu spoliato vi-cissim opponat exceptionem spoliationis, ut habetur in eod. c. fin. relato supra num. 1184. Nam in dicto casu c. *audita*, ut primum Henricus contra actionem spoliati opposuit exceptionem spoliationis, ut notatum est n. 1208. Pontifex mandatum, quo spoliatum restitui jussit, revocavit, & pro Henrico decerni voluit, quod justum est, non obstantibus prioribus literis in favorem spoliati datis.

**1211.** Si dicas: hoc secundum mandatum, in favorem spoliatoris, etiam à spoliato spoliati fuisse infructuosum; ergo limitationi non est locus; Resp. per accidens fuisse infructuosum quoad restitutionem Henrico faciendam propterea, quòd mandatum, seu secundæ literæ pro Henrico venerint ad Delegatos, postquam executioni dederunt primas in favorem Titii, nam quoad hunc calum declaravit Pontifex, sententiam ex primo rescripto latam, in his, quæ conformiter rescripto judicarunt, debere tenere; cum non fuerit suæ mentis per secundas derogare, vel jubere, quod rescindi oporteret, quæ auctoritate primi rescripti legitimè prius acta essent, quam secundum acceperint, ut constat ex num. 1209. per hoc tamen Henrico non negatur in petitorio convenire Titium super proprietate beneficii, quo se violenter spoliatum proponebat.

**1212.** Tertiò, spoliantem, qui agit contra Adversarium, à quo se injustè turbari in possessione sui beneficii conqueritur, & petit actione negatoria declarari, nullum ipsi jus esse, debere probare turbationem *injustam*, seu nullo justo titulo nixam; id, quod colligitur ex dicto c. *audita*; ut constat ex n. 1208. ubi Titius ostendit, se in possessione beneficii, seu Ecclesiæ Pelensis molestari, & quidem *injustè*, id exhibuit. 1. quòd Henricus haberet aliud beneficium curatum cum personatu; consequenter nullum jus in Pelensi, jure sta-

tuente nulli competere jus duplicitis beneficii curati; 2. quòd juramento promiserit Titio, nullam se illi controversiam motum super Ecclesia Pelensi; hoc enim ostendo Titius obtinuit rescriptum in favorem suum, de quo n. 1208.

### §. V.

*An petitioni restitutionis obstat exceptio spoliationis?*

**A** Ffirmandum esse constat ex c. fin. de ord. cognitionis, relato à nobis n. 1184. ubi etiam diximus, quòd exceptio spoliationis à Reo *Actori*, agenti *unde vi* opposita, prius discuti debeat, quam de causa principali agatur; cum sit dilatoria, c. *Exhibita* 19. de *Judic.* ubi Judices delegati, quòd super causa principali, & exceptionibus simul cognoverint, dicuntur non servasse ordinem judiciarium. Quia tamen hâc viâ, ut per oppositam à Reo exceptionem spoliationis suspenderetur cognitio super principali, dum super exceptione cognitum esset, contingebat frequenter, quòd Reus conventus actionem declinaret per exceptionem spoliatoris, & ita causæ, ac judicia Ecclesiastica impedirentur (quia dum exceptioni insititur, & quandòque appellatio interponitur, causæ principalis cognitio suspenditur, & interdum ejus prosecutio omnino intermititur, & ita (licet non de jure, tamen de facto) perimitur) Innocentius IV. publico bono succurrere, & litibus finem imponere, atque calumniandi occasionses amputare volens, decrevit seqq. ut habetur in c. *Frequens* 1. b. t. in 6.

Primò, si in causa civili Reus spoliationem objiciat, non ab *Actori*, sed ab alio factam, ut eâ nihil obstante, in principali Judex procedat: Sin autem Reus in civili judicio ab *Actori*, vel in criminali à quacunquè persona se spoliatum afferat; quindecim dierum dilatio concedatur ad probandam spoliationem; si non probabit, actori in expensas, à Judice taxandas, condemnatur, etiam aliter, si Judici videbitur, puniendus.

Secundò in §. *Soleat*, ut, si accusatus ob-  
jicit

jiciat spoliationem à tertia persona factam, Judex temporis terminum præfigat, intra quem res suas in judicio repeatat; quod si intra hoc tempus litem Adversario non moverit, aut causam ad finem non perduxerit (dummodo per ipsum steterit, quo minus restitueretur, non obstante spoliatione, accusatori suo respondere coagatur).

Tertio in §. *Ad hoc*, ut agenti in causa Ecclesiastica, non obstat exceptio spoliationis rei privatae; sed nec vice versa, in causa rei privatae obstat debeat exceptio spoliationis rei Ecclesiasticae.

1216. Ex hoc Innocentii decreto deducitur. 1. quod exceptio spoliationis Actori spoliato per Reum opposita, regulariter sit *dilatoria*, ex illis verbis textus: *causas Ecclesiasticas impedit, & perturbat, &c.* consequenter ante litis contestationem ordinariè proponi debeat, ut diximus supra. Deducitur 2. quod exceptio spoliationis Actori in civilibus opposita non differat cognitionem causæ principalis, si Reus non ab Actore, sed ab alio spoliationem, quam opponit, passus sit; constat ex textu, ibi: *in civilibus negotiis spoliationis objectu (que ab alio, quam ab Actore facta proponitur) Judex in principali procedere non postponat.*

1217. Deducitur 3. spoliationis exceptionem, à Reo Actori oppositam, in causis criminalibus, admitti, & prius super illa, quam super causa principali, cognoscendum, licet ab alio, quam ab Actore illam passus sit, modo spoliatione sit de tanta substantia, vel majori ejus parte; ratio primi est, ex n. 1214. ratio secundi sumitur ex cit c. *frequens*, ibi: illum autem spoliatum intelligi volumus in hoc casu (cum criminaliter accusatur) qui tota suâ substantiâ, vel majori parte ipsius se per violentiam destitutum affirmat; &, secundum hoc locum Canones, sano credendum est intellectu: quia nec nudi contendere, nec interimes inimicis opponere nos debemus: habet enim spoliatus privilegium, ut non possit exiū iam nudatus.

Deducitur 4. hoc beneficium exceptio-  
nis (quam opponit accusatus criminaliter)  
non extendendum esse, ultra casum  
expressum *accusationis criminalis*; cum  
sit exorbitans à jure communi, & ordina-  
tio; unde si quis agat de criminis solum

civiliter, exceptio spoliationis à Reo Actori opposita non habet, ut differat cognitionem causæ principalis; quia textus hoc beneficium tribuit soli exceptioni spoliationis, contra accusantem in numer.

1214.

Deducitur 5. accusato in criminalibus, & opponenti contra accusantem exceptionem, debere certum tempus assignari à Judice, intra quod res suas ab accusante in judicio repeatat; nam si intra illud tempus Adversario litem non moverit, aut causam ad finem non perduxerit, non obstante exceptione, Adversario suo in principali causa respondere debet, modo per ipsum steterit, quo minus restituere tur; constat ex 2. Solet, in n. 1215.

Deducitur 6. exceptionem spoliationis factæ ab Actore, oppositam isti à Reo, prius esse cognoscendam, quam causam principalem, prout dicitur in c. *fin. de ord. cognit.* Ratio sumitur ex eo, quia quoad hunc casum nihil immutatum est in dict. c. *frequens*; sed potius idem constitutum est, ibi: *sed si in civilibus ab Actore, in criminalibus autem se spoliatum Reus asserat: à quocunque infra quindecim die- rum spatium (post diem, in quo proponitur) quod asserit, probabit; ubi textus clare ponit discrimen de objecto spolio, facto ab Actore, in civilibus, & à quocun- que in criminalibus.*


Deducitur 7. inter causam, super qua Reus convenitur; & inter exceptionem spoliationis, quæ Actori à Reo opponitur, debere aliquam esse paritatem; nam agenti ad restitutionem *in causa rei Ecclesiasticae* non nocet exceptio spoliationis rei privatae; nec agenti ad restitutionem rei privatae, exceptio spoliationis in causa rei Ecclesiasticae, ut constat ex 2. *Ad hoc, in num. 1215.* ratio hujus decisionis reddi potest, quia res Ecclesiæ publici juris censentur, arg. L. 1. 2. *hujus studii, ff. de justit. L. fin. C. de sacros. Eccles.* constat autem, quod de publico ad privatum non admittatur compensatio, ex L. 1. & 3. C. *de compensat.* igitur similiter exceptio de publico ad privatum, ac per consequens de re Ecclesiastica ad temporalem, vel econtra rejicenda est juxta textum cit. 9. *Ad hoc*, quam rationem assignat gloss. in prælenti, ibi: *sunt publici juris.*

Quæstio autem est, quid hoc loco ve- 1220.  
niat  
Pp 3

niat sub nomine causæ contingentis *rem Ecclesiasticam*; quid sub appellatione, seu nomine causæ contingentis *rem privatam*? Resp. videri probabilius, per causam rei Ecclesiasticæ intelligi hic eam, quæ concernit propriæ spiritualia, ut est causa matrimonialis, Sacramentorum administratio, & ipsa bona Ecclesiastica; quæ quidem in se temporalia sunt, sed ad Ecclesiam, vel locum pium pertinent, quæ autem ad Laicos, vel etiam ad Clericos, tanquam personas privatas pertinent (sic enim sunt bona quidem *Ecclesiasticorum*, sed non *Ecclesiastica*) venire nomine causæ concernentis *rem privatam*; ita etiam Layman in dict. c. *Frequens*. §. ad hoc n. 5.

**1221.** Deducitur 8. Mulierem agentem ex interdicto *unde vi* ad restitutionem Mariti, ex causa matrimonii *contracti*, non impediri, licet Vir ei opponat exceptionem spoliationis rei temporalis v. g. quod mulier ei abstulerit tantum pecunia, vel alia in bonis fortunæ damna intulerit; nam exceptionem spoliationis *rei private* non suspendit actionem, seu petitionem restitutionis in causa *rei Ecclesiastice*, per n. 1219. sed petitio restitutionis Mariti ex causa matrimonii *contracti* est causa rei Ecclesiasticæ; spolatio rei merè temporalis est causa rei privatæ per num. 1220. ergo.

**1222.** Deducitur 9. Parochum agentem contra Parochianum ad restitutionem mutui v. g. non posse repellere à Parochiano per exceptionem negatorum sibi Sacramentorum à Parocco; & vicissim; quia in his casibus inter causam conventionis, & exceptionis nulla paritas est; & habetur in dicto §. *Ad hoc*, de quo n. 1215. Aliud foret, si Parocco petenti decimas, Parochianus opponeret exceptionem negatorum Sacramentorum; nam in hoc casu jam inter causam conventionis, & exceptionis foret aliqua proportio; cum utrinque agatur de jure spirituali.



## c. VI.

An agenti contra spoliatorem opponi possit exceptio criminis?

**O** Ppositione nimis efficaci, seu inducente effectum, quo vel differatur cognitio causæ principalis; vel etiam perimitur intentio Actoris: de hoc agitur in c. *item*, cùm quis 6. b. t. Cùm enim Titius apud Judicem de Caio questus esset, quod possessionem suam clām ingressus esset, & reducem ab ea violenter exclusisset, quæsumit fuit ab Alexandro III. an Caius opponens Titio exceptionem criminis, istum ab actione repellat? respondit Pontifex: non occurrit quidem nobis, quod illius objectio admitti debeat, vel principalis causa propter hoc executio retardari: quoniam criminaliter adversus eum, ante restitutionem, agere non potest; cùm presumatur eus existere inimicus.

Pro explicat. not. 1. non tantum censeri spoliatorem, qui *vi* de possessione aliquem dejicit; sed etiam, quando ad breve tempus digressi fundum clām subingreditur, & revertentem *vi* excludit; sic Gonzalez in dict. c. 6. n. 2. hinc à pari procedit *clandestinus*, & *violentus possessor*, ita, ut contra utrumque pariter, & eodem modo interdictum, *Unde vi*, competat; ita Doctores magis communiter post Bartol. in *L. si coloni*, per text. ibi c. de agricolis, & censitis, lib. 11. Not. 2. et si aliqui existiment, Caium spoliatorem, & simul excipientem de crimine contra Titium spoliatum, & Actoris, in textu *inimicum* Titii appellari, quia cum illo litem habet; hoc tamen non videtur procedere, si de una tantum re lis oriatur; quamvis ex lite, quæ super statu, aut de omnibus bonis, majorivè eorum parte tractatur, inimicitiae orientur, & à jure presumantur, *L. propter litem*, ff. de excus. tut. c. si *Episcopus* 3. q. 2. c. 2. ut lite non contestata, sed nec ideo rectè dicitur *inimicus*, ut aliqui volunt, quia, qui post vim factam alteri simul crimen objicit, ut ejus actionem repellat, *calumniator*, seu potius *tergiversator* censemtur, consequenter *inimicus*; nam hoc fallit, cùm objicitur in

in judicio crimen verè admissum: rectius dicitur ex eo *inimicum* in textu vocari, quia, cùm quis vel per vim alienam possessionem ingreditur, aut etiam clām occupatam vi retinet, meritò inimicus præsumitur; sic Rebuffus de reprobatione, n. 239. quod adeò verum est, ut inimicitia capitalis oriatur ex lite super omnibus bonis, aut illorum majori parte; quibus positis:

**1225.** Ex dict. c. 6. deducitur, quod, cùm agenti *unde vi*, vel *quod vi*, aut *clām* non obstat, licet à spoliatore illi opponatur exceptione criminis; consequenter non obstante illâ criminis exceptione spoliatum gaudere petitione privilegiata, & ante omnia esse restituendum, nisi objiciatur excommunicatio; in quo casu suspenditur judicium possessorum, dum absolvatur; gloss. in c. 3. de Procurat. V. alind canonicon; sic enim est inhabilis ad agendum; vel crimen tale sit, ratione cuius est inhabilis ad possidendum, v. g. quod sit infidelis, non baptizatus, &c. aut hereticus, vel crimen lœsa Majestatis, &c. Ceterum, si crimen non sit tale, propter quod quis ipso jure est inhabilis, seu privatus non modo proprietate, sed etiam possessione, sed solum privandus per sententiam, locus non erit exceptioni criminis, & spoliatus ante omnia restituendus foret vi cit. c. 6. Censent autem aliqui, locum etiam esse exceptioni criminis, unde constet notiorius defectus proprietatis; sed de hoc V. dicta superius.

**1226.** Ad extrellum not. quosdam distingue re varios casus, quibus ex interdicto possessorio agi potest contra spoliatorem, vel injustum possessorem; hinc in casu, quo Domino ad breve tempus digresso à fundo, alias eum cibinavit, & reducem vi excludit, dicunt Domino competere interdictum *unde vi*, vel *clām*; si autem solo metu spoliatoris non ausus recuperare possessionem, destitut, & sic etiam civilem possessionem amisit; interdictum *unde vi*: si demum omissâ recuperatione per reciprocam spoliatoris ejectionem statim ad Judicem rem detulit, cùm sic retineat adhuc possessionem civilem; interdictum *uti possidetis* ita Layman. in cit. c. 6. n. 4. qui etiam n. 5. observat, causam judicij possessorii dici posse principalem, non re-

latè ad petitiorum; sed solum ad alias incidentes quæstiones, ac exceptio-nes.

## ARTICULUS II.

## De restitutione spoliati in causis matrimonialibus.

**1227.** **I**stæ actiones sunt frequentes inter Con- juges, cùm vel unus ab altero suâ se authoritate separet quoad cohabitationem, & thorum; vel unus alterum expellit; id què propter diversas causas, ut constabit ex seqq. Prima igitur quæstio est, an, si Uxor à Viro recessit authoritate propriâ, Viro autem eam in judicio repetenti mulier opponat exceptionem matrimonii nulliter *contracti*, non obstante hac exce-ptione Viro restituenda sit, & qualiter? an plenè? nimirum quoad cohabitationem, & usum corporis, seu *tectum*, & *letum*? an tantum quoad tectum? suspensa interim cognitione super causa exceptionis?

In hoc casu ad innocentium III. recurrit Archidiaconus Bituricensis, & quid in hoc sit agendum? edoceri voluit. Ponit autem casus de objecto impedimento dirimente, in quo Sedes Apostolica dispensare non potest; vel non consuevit; & probationes impedimenti paratæ sunt, ad eas in judicio in continentis præstandas. Pontifex, ante datum à se responsum, dixit (ut habetur in c. Literas 13. b. t.) in hac quæstione diversas esse opiniones diversorum.

**1228.** Horum opiniones enumerat ipse Pon- tifax: nam aliqui, inquit, volunt restitu- tionem conjugis prius faciendam, quam de valore matrimonii cognoscatur, moti authoritate Lucii III. c. in *conquestione*, b. t. alii autem negant, faciendam restitu- tionem, propter responsum Clement. III. in c. 1. de *ord. cognit.* alii denique disinguunt, si objiciatur gradus consanguinitatis *divinâ lege* obstans matrimonio, ita ut Papa dispensare non possit, tum restituionem Conjugis negandam esse; sed concedendam, si gradus lege tantum Ec- cleſi-